

卷九

書名 事物紀原二十卷 正統九年建安陳氏刊本
 撰者 宋 高承 撰, 明 陳華 點, 明 趙弼 校
 卷 卷九
 內容分類 子-類書 彙考 宋
 索書號 大木-子部-類書類-47
 編號 C5923000

彩色首頁

[東洋文化研究所漢籍目錄 編號: C5923000](#)

[東洋文化研究所漢籍目錄所藏漢籍善本全文影像資料庫 索書號: 大木-子部-類書類-47](#)

[漢籍善本全文影像資料庫文本事物紀原二十卷 正統九年建安陳氏刊本](#)

[版權所有: 東京大學 東洋文化研究所](#)

[使用上的注意事項](#)

事物紀原卷之一

天生植門

子曰太易者氣之未見也太初者氣之始也
 者形之始也太素者質之始也形氣質具而
 改曰渾淪高氏小史曰太易氣象未分太初
 始萌太始氣象初端太素形氣變質太極形
 質具然則元氣之始自太初也徐整三五曆紀

漢陽府推官建安陳華批點
 致仕教諭 南平趙弼校註



高承編集



1 2 3 4 5 6 7 8 9 10 1 2 3 4 5 6 7 8 9 10



事物紀原卷之九

大學

漢陽府推官建安陳華批點
致仕教諭南平趙弼校正

法從清望門

大學
唐書李泌傳泌加集賢殿大學士學士加六自泌
始張說傳玄宗欲授說大學士許曰學士本無大稱中
宗崇寵大臣乃有之唐百官志曰景龍二年置也蓋其
名自中宗始。

孔安國尚書言秦焚書坑儒天下學士逃難解散蓋



四六四

以斥承學之士爾晉陶淵明集有學士祖企謝景夷而
晉志不言其官然則亦未聞也隋史宋謝超宗傳齊受
禪高帝令撰郊廟歌有聰明學士劉顥等陳有德教殿
中學士北齊有文林館學士後周亦有麟趾殿學士當
是其始始於漢晉而命官則起於宋齊也唐初有東宮
三府學士齊王元吉亦有文學館學士此後集賢昭
文崇賢翰林寺雜置不一貞觀初置文學館以房玄齡等
十八人為學士宋朝為侍從之臣

唐書百官志

唐書百官志曰武德以後五品以上曰學士六品以上

曰且學士唐高祖有國之初乃有此也

唐書

唐太宗時名儒時時召草制待詔常於北門候進

號北門學士至明皇改曰翰林待詔已而改為供奉開
元二十六年仍為翰林學士此蓋其始

唐書

歐陽修田錄曰自唐至五代相承有文明殿大學

士為宰相兼職王欽若為參政真宗特置資政殿學士
以龍之時欽若在書定其官在翰林下欽若訴於上
曰臣自學士拜參政今無罪而罷班給在下是貶也帝
為特置資政殿大學士班在翰林之上景德二年十二

月也。後世殿學士之名始於此。

承旨職林曰。唐肅宗至德以後。置翰林學士六人。於內擇年深德重者一人為承旨。所以獨承其密命故也。百官志又曰。元和中翰林學士以年長一人別承勅旨。或密受顧命為學士承旨職稱。

脩國史唐會要曰。貞觀中始置史館。顯慶四年三月始詔劉仁軌等脩史。長安二年劉允濟又稱脩國史。天祐二年五月廿九日勅史館脩撰張策職名稍卑。不稱內庭。密重宜稱兼脩國史。蓋太宗始置史館。雖有脩史之

官。尚未以脩國史為名也。高宗乃以命仁軌等云。又魏城舊志曰。北齊神武時。魏收自散騎常侍兼中書侍郎脩國史。

脩撰唐玄宗開元八年始置脩撰。千集賢殿。夫寶以後他官兼史職者。亦曰史館脩撰。吳處厚清箱雜記曰。宋太宗與國中趙邦畿等脩撰楊文舉為史館編補。是特脩撰未列於職。至道中始有脩撰也。

侍講後漢張酺。顯宗時數進講於御前。每侍講有正救之辭。帝常言。酺侍講。屢諫正。及他傳。往往有侍外禁內之文。蓋起于此。

侍讀玄宗開元三年七月勅每讀史籍中有闕宜選耆儒博碩一人每日侍讀故馬懷素褚無量更日入直此侍讀之始也。

駙馬駙馬都尉漢武帝元鼎二年初置掌駙馬注曰非正駕車者皆為副馬一曰駙者近也疾也通典袁樞議曰駙馬都尉置由漢武帝以假功臣戚屬齊職儀曰凡尚公主必拜駙馬都尉者自魏晉以來有此號稱蓋以王姬之重配庶姓之輕若不等級豈可合忝所以假之皇女也漢制以列侯尚公主而魏何晏始以婚拜故後代

循用為常制蓋自何晏始也。

三省綱轄門

侍中環濟要略曰古官也黃帝以風后為侍中徐堅初學記曰秦取古官制本丞相之史也丞相使史五人來往殿中奏事故謂之侍中後魏乃為樞密之任深又以為宰相職唐侍中與中書尚書並為宰相。

散騎常侍為一官唐顯慶中分左右隸門下

給事黃門秦漢時有給事黃門之職後漢有給事黃門侍郎

左右給事中以其事殿中故曰給事中隋初置給事郎
煬帝移為門下職唐武德三年改給事郎為給事中

起居周有左右史王言則左史書之動則右史書之此起

居之本也漢武有禁中起居後漢馬后自撰明帝起居

注則其事在宮中古女史之職也此始有起居之名隋

煬帝置起居舍人唐貞觀三年省於門下置起居郎

顯慶中於中書置起居舍人以歸為左史舍人為右史

諫正唐武后垂拱中置拾遺補闕掌諷諫中宗時有左右

元中左屬門下右屬中書宋雍熙五年二月詔改補闕為

司諫拾遺為左右正言蓋太宗欲令諫官循其職
業故改其官號也

中書齊納言周內史皆中書之任漢武遊宴後庭始以

宦者典事尚書謂之中書謁者通典曰秦始皇置中書謁

者漢元帝去謁者二字其品卑而任重隋文帝廢三公

府令中書典侍中知政事遂為宰相之職又職林志謂

漢成帝建始四年改中書謁者令曰中書謁者令以士人

為之魏文帝黃初元年改秘書令為中書令也

通事初學記曰魏置中書始置通事一人明帝時有通

事劉恭是也。高貴卿公改曰通都事。都尉尋為通事
侍郎。晉時置舍人通事各一人。東晉合為一職。梁時始
掌詔誥。其後除通事。直曰中書舍人。是職本周官。掌平
宮中之政。後世改之。掌詔誥也。

僕射。秦官。古者重武。以善射者掌事。故曰僕射。又云僕主也。
古有主射。以督課。漢因秦事。自侍中謂者。博士將軍。必
永巷。猶尚書。皆有之。成帝建始元年。初置尚書五人。以
為僕射。此蓋其職也。唐宋皆有之。

尚書。秦官。秦時少府遺吏四人在殿中。主文書。謂之

尚書。劉向新序曰。齊宣王為六室。香車諫。三召尚書。七
國之時。已有此官矣。晉志曰。漢光武始分尚書為六部。
通典曰。東漢初尚書雖有曹名。不以為號。及靈帝以深
鵠為選部尚書。於是始見曹名。續事始云。尚書也。出納
王命。敷奏萬機。政令所由宣。選舉所由定。罪賞所由正。
李固曰。尚書猶天之北斗。斟酌元氣。運行四時。通典曰。
周禮。天官冢宰。掌邦六典。以佐王理邦國。光武分六曹。
稍以周禮。唐武后以吏部為天官。戶部為地官。禮部為
春官。兵部為夏官。刑部為秋官。工部為冬官。以承六官。

之制宋初以文兵刑工禮為次神宗復唐故事乃以
吏六禮兵刑工為次也。

漢制尚書郎三歲則稱侍郎。隋煬帝即位惟於尚書
六曹各置侍郎一人。按漢百官表有侍郎職比四百石也。
郎中漢有郎中令。乃秦官也。漢世尚書初稱守郎中。唐以
未號正郎。武德三年尚書郎改為郎中。

負外隋開皇三年尚書分六曹列二十四司各置負外郎
一人以司其曹帳籍則郎置負外自隋文始也。按漢
書惠帝即位賜爵負外郎。滿六歲二級則隋置負

外郎亦取漢事云。

漢初曰常侍曹。後漢為選部。魏始曰吏部。按周公
司馬之屬有司士。通典以為吏部。

左傳晉文公為執秩以正其官。杜預云謂王爵秩之
官。漢尚書有封爵之任。後漢馮勤是也。職林曰唐神龍
二年改主爵為司封。愚稽卿今之文選司。

周禮復官司馬之屬有司勳掌賞地之法。後周始置
其官於尚書。吏部有司勳之官。命之稽勳司。

考功漢京房作考課之法。而其職不在尚書。光武改尚

書曰三公。謂王。出歲考課。至此始為尚書職。魏初置考功。亦唐虞考績之事也。

尚書 周禮地官之事也。漢置尚書四人。一主財帛。委輸。即今戶部之任矣。吳始有戶部之名。周禮司民。掌登遺民之數。

禮部 唐虞秩宗。周春官。宗伯。皆禮部之任也。後周乃有禮部。不言職事。隋以典儀曹其名。自後周始。

兵部 周禮夏官之職。魏有五兵尚書。晉宋為七兵。後周始名兵部。

刑部 唐虞之士。周禮司寇。皆刑部也。光武謂之貳曹。為職。後周始有刑部。

工部 唐虞共工。周禮冬官之職。漢置民曹。光武改主膳。脩工作池苑。魏為左民。晉為起部。即後周始曰工部。

事物紀原卷之九